

15 Mei 2026

Untuk Siaran Segera

KENYATAAN MEDIA

PUSPAKOM LANCAR “GICHECK LINDUNG-I” DAN MEMPERLUASKAN EKOSISTEM DIGITAL DENGAN INTEGRASI INSURANS

- PUSPAKOM memperluaskan perkhidmatan melangkaui pemeriksaan kenderaan dengan menawarkan penyelesaian digital bersepadu bagi insurans motor menerusi kerjasama dengan **Zurich General Takaful**.
- Pengguna terawal juga berpeluang menikmati ganjaran eksklusif pelancaran menerusi kerjasama khas bersama Mattel, yang menawarkan koleksi **Hot Wheels** percuma kepada 100 pelanggan terawal.

SHAH ALAM, 15 Mei 2026 – PUSPAKOM Sdn Bhd (PUSPAKOM), syarikat pemeriksaan kenderaan berlesen pertama di Malaysia serta perintis dalam industri pemeriksaan automotif negara sejak lebih 30 tahun lalu, hari ini mengumumkan pelancaran rasmi **GiCheck Lindung-i**, yang menandakan **peluasan digital terbaru** syarikat ke dalam sektor insurans. Pencapaian ini merupakan satu lagi langkah penting dalam evolusi strategik PUSPAKOM daripada penyedia pemeriksaan khusus kepada ekosistem pemilikan kenderaan yang menyeluruh dan berteraskan teknologi.

GiCheck Lindung-i diperkenalkan sebagai kesinambungan semula jadi susulan pelancaran platform GiCheck pada Januari 2026 serta pengenalan aplikasi mudah alihnya pada 9 Februari 2026. Sebagai platform agregator yang canggih, GiCheck Lindung-i membolehkan pengguna mengakses, membandingkan dan membeli polisi insurans motor secara masa nyata dengan lancar, sekali gus mempermudah proses daripada pemeriksaan kenderaan kepada pematuhan sah jalan raya dalam satu perjalanan digital bersepadu.

PENDEKATAN BERSEPADU BAGI PEMATUHAN KENDERAAN

GiCheck Lindung-i direka untuk menangani cabaran utama pengguna di Malaysia, iaitu keperluan berurusan dengan pelbagai penyedia perkhidmatan bagi tujuan pemeriksaan dan pembaharuan insurans. Melalui peluasan digital ini, PUSPAKOM menawarkan:

- **Penawaran Menyeluruh:** Pengguna kini boleh mendapatkan perlindungan insurans motor bagi kereta persendirian (Komprehensif serta Pihak Ketiga, Kebakaran dan Kecurian) dan motosikal (Komprehensif dan Pihak Ketiga).

- **Ketelusan Dipertingkat:** Pengguna boleh *membandingkan sebut harga serta memilih perlindungan tambahan berdasarkan nilai pasaran atau tahap perlindungan yang dikehendaki (**tertakluk kepada penyertaan rakan insurans*).
- **Pengeluaran Polisi Secara Segera:** Harga masa nyata dan pengeluaran polisi digital melalui gerbang pembayaran **SenangPay**, dengan pembayaran FPX.

GiCheck Lindung-i dilancarkan dengan **Zurich Takaful Malaysia Berhad** sebagai rakan insurans utama, manakala beberapa penyedia insurans terkemuka lain akan turut diintegrasikan ke dalam platform ini sebagai sebahagian daripada peluasan berterusan ekosistem insurans digital PUSPAKOM. Peluasan ini bertujuan menyediakan pengguna dengan pilihan yang lebih luas, kompetitif serta pelan perlindungan yang bersesuaian dengan keperluan mereka.

PENDEKATAN MENYELURUH TERHADAP PERLINDUNGAN

Selain insurans motor, PUSPAKOM turut merancang untuk memperluas penawaran GiCheck Lindung-i kepada produk perlindungan lain seperti **insurans perjalanan, insurans rumah/kebakaran serta insurans kemalangan diri**.

Ketua Pegawai Eksekutif PUSPAKOM, **Mahmood Razak Bahman** berkata, “GiCheck Lindung-i mencerminkan komitmen berterusan kami untuk menambah baik pengalaman pelanggan melalui integrasi perkhidmatan berkaitan kenderaan dalam satu platform digital yang lancar. Kami bukan lagi sekadar pusat pemeriksaan, sebaliknya rakan kepada pengguna sepanjang kitaran pemilikan kenderaan. Melalui integrasi insurans ke dalam platform digital kami, pengguna kini boleh mendapatkan perlindungan dengan lebih mudah dan cepat, sambil memperkukuh kesedaran bahawa keselamatan jalan raya adalah tanggungjawab bersama.”

INSENTIF PELANCARAN & KETERSEDIAAN

Bersempena pelancaran rasmi GiCheck Lindung-i pada 15 Mei 2026, PUSPAKOM telah menyediakan pelbagai hadiah menarik termasuk kolaborasi istimewa bersama **Hot Wheels**.

Di mana pengalaman memandu harian bertemu dengan keseronokan dunia kereta, platform insurans kami bergabung dengan **Hot Wheels** untuk menghargai pelanggan yang berkongsi minat terhadap kenderaan. Sebagai ganjaran istimewa, 100 pelanggan terawal yang membeli insurans



A Member of **DRB-HICOM**

motor menerusi GiCheck Lindung-i akan menerima hadiah ihsan, model eksklusif “Hot Wheels Monster Trucks die-cast”. Banyak lagi hadiah daripada PUSPAKOM akan diperkenalkan sepanjang tempoh kempen promosi.

Seiring dengan usaha berterusan PUSPAKOM mempercepatkan transformasi digitalnya, laman dalam talian GiCheck Lindung-i juga akan melalui penambahbaikan berterusan yang dirancang, termasuk pengenalan ciri pembaharuan cukai jalan pada masa akan datang, tertakluk kepada kelulusan Jabatan Pengangkutan Jalan Malaysia (JPJ).

GiCheck Lindung-i kini boleh diakses di seluruh negara menerusi portal web di: <https://gichecklindung-i.com/>

- TAMAT -

FOTO

No. dan Nama fail	Photo	Caption
No 1 Image A: GI_CHECK_Lindung_i_-01.jpg		PUSPAKOM memperluaskan platform digitalnya dengan pelancaran “GiCheck Lindung-i” bagi mewujudkan “perjalanan hujung ke hujung (end-to-end journey)” melalui integrasi digital insurans baru.
No 2 Image A: JKJ90_PIP_26_FE_001.tif Image B: JKJ91_PIP_26_FE_001.tif	 	Sebagai ganjaran istimewa, 100 pelanggan terawal polisi insurans motor menerusi platform GiCheck Lindung-i akan menerima model eksklusif Hot Wheels Monster Trucks die-cast, tajaan Mattel. Banyak lagi hadiah daripada PUSPAKOM akan diperkenalkan sepanjang tempoh kempen promosi.



A Member of **DRB-HICOM**

UNTUK MAKLUMAT LANJUT SILA HUBUNGI:

Siti Khairuddin

Ketua Komunikasi Pemasaran & Pembangunan Perniagaan
PUSPAKOM Sdn Bhd
Tel: 03 - 2052 7769
H/P: 012 - 382 8550

Azimy Wan Ahmad

Ketua Komunikasi & Penjenamaan
Bahagian Komunikasi Pemasaran dan Pembangunan Perniagaan
PUSPAKOM Sdn Bhd
Tel: 03 - 2052 7322
H/P: 019 - 286 1486

Nik Haizan Nik Zambri

Pengurus Komunikasi & Penjenamaan
Bahagian Komunikasi Pemasaran dan Pembangunan Perniagaan
PUSPAKOM Sdn Bhd
Tel: 03 2052 7547
H/P: 012 - 262 0114

MENGENAI PUSPAKOM SDN BHD

PUSPAKOM Sdn Bhd (PUSPAKOM) merupakan syarikat pemeriksaan kenderaan berlesen pertama di Malaysia dengan pengalaman operasi melebihi 30 tahun dalam industri automotif negara yang kini diliberalisasikan. Peranan utamanya adalah memastikan kenderaan berada dalam keadaan selamat digunakan di jalan raya serta mematuhi piawaian keselamatan dan pelepasan yang ditetapkan oleh kerajaan, sejajar dengan usaha meningkatkan keselamatan jalan raya dan kelestarian alam sekitar.

PUSPAKOM mempunyai rangkaian operasi yang meluas di seluruh negara dengan 53 pusat pemeriksaan serta 30 tapak lawatan khusus bagi kawasan luar bandar, yang dilengkapi teknologi diperakui dan dikalibrasi. Bagi memenuhi keperluan pengguna moden dan pengendali kenderaan komersial, PUSPAKOM turut menyediakan perkhidmatan Pemeriksaan Bergerak melalui 10 trak bergerak, 36 van bergerak dan 4 unit ringan, yang menawarkan perkhidmatan di lokasi termasuk pemeriksaan awal dan berkala bagi kenderaan komersial serta urusan tukar milik dan pembaharuan cukai jalan bagi kenderaan persendirian.

PUSPAKOM terus komited dalam memacu inovasi digital dan kecekapan operasi dengan menyediakan perkhidmatan pemeriksaan yang pantas, profesional dan mudah diakses melalui platform bersepadu. Maklumat lanjut serta tempahan pemeriksaan boleh diperoleh di www.GiCheck.my.

FAKTA PUSPAKOM

PENGENALAN

PUSPAKOM Sdn Bhd merupakan syarikat pemeriksaan kenderaan berlesen pertama di Malaysia dengan pengalaman lebih 30 tahun dalam menyediakan perkhidmatan pemeriksaan kenderaan di seluruh negara, selaras dengan perkembangan industri automotif yang diliberalisasikan.

MANDAT TERAS

- Menjalankan pemeriksaan kenderaan bagi memastikan kelayakan di jalan raya
- Memastikan pematuhan terhadap piawaian keselamatan yang ditetapkan Kerajaan
- Menyokong kelestarian alam sekitar melalui ujian pelepasan

RANGKAIAN NASIONAL

- 53 Pusat Pemeriksaan di seluruh Malaysia
- 30 Tapak Lawatan bagi kawasan luar bandar dan terpencil
- Liputan menyeluruh bagi memastikan akses perkhidmatan di seluruh negara

PERKHIDMATAN PEMERIKSAAN BERGERAK

PUSPAKOM menyediakan perkhidmatan pemeriksaan di lokasi untuk pelanggan komersial dan persendirian:

- 10 trak bergerak - (Untuk syarikat yang mempunyai kumpulan kenderaan besar.)
 - Sasaran: armada komersial dan pelanggan korporat
 - Perkhidmatan: Pemeriksaan Awal, Pemeriksaan Berkala, Pemeriksaan Sewa Beli (B7)
- 36 van bergerak - (Untuk pemilik kenderaan persendirian)
 - Sasaran: pemilik kenderaan persendirian
 - Perkhidmatan: Pemeriksaan Tukar Milik, Pembaharuan Cukai Jalan, Pendaftaran Kenderaan Import
- 4 unit ringan
 - Menyokong keperluan penugasan fleksibel dan pantas

PERKHIDMATAN NILAI TAMBAH (Ancillary Services)

PUSPAKOM menawarkan pelbagai perkhidmatan sampingan yang dirangka bagi menyokong keperluan komersial, operasi serta penglibatan pelanggan, termasuk:

- **Perkhidmatan Pengiklanan dan Sewaan Ruang**

- Pelbagai pilihan pengiklanan dan sewaan ruang yang komprehensif, disesuaikan mengikut keperluan pemasaran. Ini merangkumi penempatan luar berimpak tinggi serta pendedahan di lokasi dan secara mobil, bagi memberikan keterlihatan yang disasarkan kepada pelanggan di seluruh rangkaian PUSPAKOM di seluruh negara.

- **Perkhidmatan Insurans Kenderaan dan Pembaharuan Cukai Jalan**

- Perkhidmatan pembaharuan insurans kenderaan dan cukai jalan yang mudah dan pantas, bagi meningkatkan pengalaman pelanggan melalui penyediaan penyelesaian nilai tambah yang lancar di semua titik sentuhan PUSPAKOM.

- **Perkhidmatan Perundingan Pengurusan Kenderaan (VMCS)**

- Program latihan dan kesedaran yang berstruktur, bertujuan meningkatkan aspek keselamatan kenderaan, pematuhan peraturan serta kecekapan operasi bagi organisasi yang menguruskan armada kenderaan, selain turut memberi manfaat kepada orang awam.

AKSES DIGITAL DAN TEMPAHAN

- Laman web rasmi: <http://www.puspakom.com.my>
- Tempahan dalam talian melalui www.GiCheck.my
- Tempahan pukal dan korporat melalui: marketing@puspakom.com.my

KEUPAYAAN DAN STANDARD

- Penggunaan peralatan pemeriksaan yang diperakui dan dikalibrasi
- Pematuhan kepada rangka kerja kawal selia dan standard yang ketat
- Pelaksanaan protokol pemeriksaan yang seragam di seluruh negara

SEGMENT PELANGGAN

- Pemilik kenderaan persendirian
- Pengendali armada komersial
- Syarikat logistik dan penghantaran
- Pengangkutan awam termasuk bas dan teksi
- Pemandu e-hailing
- Institut memandu
- Pengedar dan pengimport automotif



A Member of **DRB-HICOM**

KOMITMEN PERKHIDMATAN

- Penyampaian perkhidmatan yang pantas dan cekap
- Tenaga kerja pemeriksa yang profesional dan terlatih
- Akses perkhidmatan yang lebih luas melalui saluran fizikal dan bergerak

FOKUS STRATEGIK

- Memperkukuh keselamatan jalan raya di peringkat nasional
- Menyokong pematuhan terhadap keperluan alam sekitar
- Memperluas integrasi digital dan akses perkhidmatan
- Meningkatkan kecekapan operasi dalam landskap industri yang diliberalisasikan